



# SLUŽBENI GLASNIK OPĆINE TEŠANJ



<b>IZDAVAČ:</b> Općinsko vijeće Tešanj <b>UREĐUJE:</b> Stručna služba Vijeća	Godina XXXIX- Broj 9	<b>ŠTAMPA:</b> Općina Tešanj Kompjuterska priprema: Stručna služba Vijeća
<b>ODGOVORNI UREDNIK:</b> Smajo Čeman	Četvrtak, 30.11.2006. godine	Godišnja pretplata 50,00 KM Račun broj: 101160000035945 i broj: 3385502200008006
TELEFON: 032/650-341 E-mail: <a href="mailto:opcinsko.vijece@opcina-tesanj.ba">opcinsko.vijece@opcina-tesanj.ba</a>	TEŠANJ	"Službeni glasnik" izlazi po potrebi

Na osnovu člana 13. Statuta Općine Tešanj ("Službeni glasnik Općine Tešanj" broj 1/03 i 8/04), i člana 4. Odluke o kriterijima, načinu i postupku raspodjele sredstava nevladinim organizacijama (Službeni glasnik Općine Tešanj", broj 9/05), Općinsko vijeće na svojoj 23. sjednici održanoj dana 30.11.2006. godine, donosi

## ODLUKU

### o proglašavanju nevladinih organizacija od posebnog interesa

#### Član 1.

Ovom Odlukom pobliže se uređuje finansiranje redovnih djelatnosti nevladinih organizacija koje su od posebnog interesa za Općinu Tešanj.

#### Član 2.

Općina Tešanj iskazuje poseban interes za finansiranje programa i projekata udruženja građana (nevladinih organizacija) koja:

- pomažu u rješavanju socijalnih i drugih problema određenih kategorija stanovništva (invalidna lica, boračku populaciju, šehidske porodice i porodice poginulih boraca, stare, bolesne i osobe sa posebnim potrebama;
- rade na problemu rješavanja statusa problema određenih ugroženih kategorija stanovništva;
- organizuju i provode aktivnosti koje značajno podižu nivo zdravstvene i socijalne zaštite na području općine, a nisu dio osnovnih djelatnosti postojećih ustanova;
- bave se aktivnostima zaštite i spašavanja ljudi i materijalnih dobara.

#### Član 3.

Na području općine Tešanj za udruženja od posebnog interesa, shodno članu 2. ove Odluke, proglašavaju se slijedeća udruženja i organizacije:

Organizacija porodice šehida i poginulih boraca Tešanj, Organizacija RVI Tešanj, "Unija Veterana" Tešanj, Udruženje boraca narodnooslobodilačkog

antifašističkog rata, UG "Zlatni ljiljani", Udruženje slijepih građana Općine Tešanj, Crveni križ Općine Tešanj, UG "Sugar" Tešanj, UG "Hroničnih bubrežnih bolesnika" Tešanj, UG "Povratak" Tešanj, UG "Invalidi rada" Općine Tešanj, Dobrovoljno vatrogasno društvo Jelah, UG "Dječija ambasada" Tešanj, UG "Oslonac", UG "Udruženje penzionera", UG "Naša porodica", UG otpuštenih radnika iz RH "UGOR" Jelah - Tešanj i UG "Crveni polumjesec" Tešanj.

#### Član 4.

Za finansiranje organizacija iz člana 3. ove Odluke neće se primjenjivati Odluka o kriterijima, načinu i postupku raspodjele sredstava nevladinim organizacijama.

#### Član 5.

Finansiranje rada organizacija i udruženja iz člana 3. ove Odluke vrši se prema propisanoj proceduri izrade Budžeta. Uz budžetski zahtjev udruženje građana/NVO prilaže plan rada za narednu godinu i izvještaj o utrošku korištenih sredstava u predhodnoj godini.

#### Član 6.

Nakon usvajanja Budžeta općine sredstva za rad nevladinih organizacija isplaćivat će se u mjesečnom iznosu i procentualno prema godišnjem nivou punjenja budžeta.

#### Član 7.

Nevladina organizacija može konkurisati za finansiranje cijelog programa rada ili za dio nedostajućih sredstava i dužna je da to naznači.

#### Član 8.

Nevladina organizacija od posebnog interesa, koja je za program dobila sredstva u ukupnom iznosu cijene programa od drugog donatora, ne može učestvovati u raspodjeli sredstava iz Budžeta Općine Tešanj.

#### Član 9.

Nevladine organizacije od posebnog interesa, kojima su dodijeljena sredstva za programe podnose

Općinskom načelniku i Službi za finansije i ekonomiju  
izvještaj o realizaciji programa sa finansijskim  
izvještajem, do isteka godine za koju su sredstva  
dodijeljena.

**Član 10.**

Ova odluka stupa na snagu danom  
objavljivanja u »Službenom glasniku Općine Tešanj».

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Rasim Omerbašić, s. r.**

**Broj: 01-02-1-4077/06.**

**Datum: 30.11.2006. godine**

---